

## SINGKATAN

BKKM	-	Bahagian Keselamatan dan Kualiti Makanan
HAS	-	<i>Halal Assurance System</i>
IHCS	-	<i>Internal Halal Control System</i>
JKHD	-	Jawatankuasa Halal Dalamam
KKM	-	Kementerian Kesihatan Malaysia
MHMS	-	Malaysian Halal Management System
MUIS	-	Majlis Ugama Islam Sabah
NPRA	-	<i>National Pharmaceutical Regulatory Agency</i>
R & D	-	<i>Research &amp; Development</i>
SKM	-	Suruhanjaya Koperasi Malaysia
SPHM	-	Sijil Pengesahan Halal Malaysia
SSM	-	Suruhanjaya Syarikat Malaysia



## TAKRIFAN SKIM

Skim pengilangan kontrak / OEM ialah skim pensijilan yang ditawarkan kepada syarikat/pemohon yang menyediakan sebarang bentuk perkhidmatan pengilangan produk kepada syarikat lain secara persetujuan bersama melalui kontrak bertulis

## SYARAT DAN KRITERIA PERMOHONAN

- Memiliki Perakuan Pendaftaran Perniagaan yang masih sah daripada SSM atau Perakuan Pendaftaran Koperasi di bawah SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan
- Memiliki lesen atau kelulusan daripada PBT atau surat pengesahan / surat sokongan yang masih sah daripada mana-mana agensi Kerajaan
- Memiliki lesen pengilang yang masih sah daripada NPRA (jika berkaitan)
- Beroperasi sepenuhnya sekurang-kurangnya 3 bulan sebelum membuat permohonan SPHM bagi permohonan baharu
- Beroperasi sepenuhnya sekurang-kurangnya 1 bulan di premis baharu bagi syarikat yang berpindah lokasi
- Mengeluarkan atau mengendalikan produk halal sahaja termasuk produk dagangan (*trading product*) serta mematuhi piawaian halal yang ditetapkan
- Membuat permohonan SPHM ke atas semua jenis produk yang masih dihasilkan di premis berkenaan
- Mengemukakan sijil halal yang diiktiraf dan masih sah laku bagi permohonan pembungkusan semula produk, atau mengemukakan dokumen sokongan yang jelas menyatakan sumber bahan (bagi bahan semula jadi sahaja)
- Nama syarikat, produk, ramuan dan jenama produk yang dimohon hendaklah tidak menggunakan pernyataan 'halal' atau sebarang representasi atau diperihalkan dengan cara lain untuk menunjukkan ia boleh digunakan oleh orang Islam

## TIDAK LAYAK MEMOHON

- Produk yang tidak halal
- Syarikat yang mengeluarkan atau mengedar produk halal dan tidak halal
- Penggunaan jenama yang sama bagi produk atau perkhidmatan halal dan tidak halal (tertakluk kepada pemakaian di Malaysia)
- Produk yang tidak memiliki standard atau garis panduan untuk dijadikan rujukan
- Produk yang memberi implikasi negatif terhadap agama dan sosial seperti dadah, shisha, rokok, pewarna rambut dan pewarna kuku
- Produk semulajadi yang tidak diproses, tidak diubahsuai serta tiada pembungkusan dan pelabelan digunakan seperti ikan segar, sayur-sayuran segar dan telur segar
- Penggunaan nama syarikat, produk dan jenama yang merujuk kepada produk tidak halal atau sinonim atau menyerupai dengan produk tidak halal atau apa-apa istilah mengelirukan seperti *ham*, *bak kut teh*, *bacon*, *beer*, *rum*, *hot dog*, *charsiew* dan seumpama dengannya
- Produk siap dalam dan luar negara yang dilabel semula tanpa menjalani sebarang proses di Malaysia
- Produk di peringkat awal R & D yang masih belum sedia dikomersilkan
- Produk yang boleh membawa kepada penyelewengan akidah, perkara khurafat dan penipuan
- Produk yang tidak ada keperluan untuk dipersijilkan halal atau boleh menimbulkan kekeliruan sekiranya dipersijilkan halal seperti baja, kertas, simen, jubin, racun serangga dan permaidani

## PEMROSESAN

Setiap permohonan di bawah Pensijilan Halal Malaysia (Domestik) dikenakan bayaran fi sebanyak **RM20.00** sahaja

## SYARIKAT/PEMOHON LUAR NEGARA

Setiap permohonan melibatkan syarikat/pemohon luar negara yang menjalankan pengilangan produk dalam negara dikenakan bayaran fi sebanyak **RM200.00** sahaja

## BAYARAN FI MENGIKUT KATEGORI INDUSTRI

Setiap permohonan baharu dan pembaharuan akan dikenakan bayaran fi berikut :

KATEGORI		FI (RM)
INDUSTRI	NILAI PEROLEHAN TAHUNAN	
Mikro	< RM300,000.00	200
Kecil	RM300,000.00 - RM15 Juta	800
Sederhana	RM15 Juta - RM50 Juta	1400
Besar	> RM50 Juta	2000

SYARIKAT LUAR NEGARA		FI (RM)
PERMOHONAN PRODUK	KATEGORI PEMOHON	
<ul style="list-style-type: none"> <li>• Makanan dan Minuman</li> <li>• Kosmetik</li> <li>• Farmaseutikal</li> <li>• Barang Gunaan</li> <li>• Peranti Perubatan</li> </ul>	Negara-Negara ASEAN	2500
	Lain-Lain Negara	10,000

## PENGECUALIAN

MUIS berkuasa mengecualikan bayaran fi bagi mana-mana permohonan yang diuruskan sepenuhnya oleh mana-mana agensi kerajaan

## KAEDAH PEMBAYARAN

- Syarikat/pemohon hendaklah membuat bayaran dalam tempoh **14 hari bekerja** setelah menerima surat caj melalui sistem MYeHALAL
- Kaedah pembayaran fi hendaklah dilakukan secara bayaran dalam talian (*online payment*), *QR Code* dan cek sahaja
- Pembayaran fi hendaklah dibuat atas nama Tetuan Majlis Ugama Islam Sabah
- Setiap pembayaran fi yang telah dijelaskan hendaklah dikeluarkan resit bayaran dan dikemukakan kepada MUIS
- Fi yang telah dibayar tidak akan dikembalikan dan tidak boleh dipindahkan ke permohonan lain
- MUIS berkuasa mengenakan fi tambahan sekiranya maklumat penentuan kadar fi yang dikemukakan oleh syarikat/pemohon adalah tidak tepat

Syarikat/pemohon yang menjalankan pengilangan kontrak hendaklah memperolehi SPHM di bawah skim pengilangan kontrak sebelum layak menawarkan perkhidmatan pengilangan produk kepada syarikat lain

Skim ini tidak boleh digunakan sebagai perakuan halal ke atas produk yang dikilangkan dan setiap produk yang ingin menggunakan logo halal hendaklah membuat permohonan SPHM mengikut skim yang berkaitan

Syarikat/pemohon SPHM di bawah skim ini hendaklah mengeluarkan, mengendali atau menguruskan produk halal sahaja berdasarkan skim Pensijilan Halal Malaysia berikut :

- Skim produk makanan dan minuman
- Skim produk kosmetik
- Skim produk farmaseutikal
- Skim produk barang gunaam
- Skim rumah sembelihan
- Skim peranti perubatan

Premis hendaklah memiliki Perakuan Pendaftaran Premis Makanan yang masih sah daripada BKMM (jika berkaitan)

Premis hendaklah memiliki Lesen Pengilang yang masih sah daripada NPRA (jika berkaitan)

Premis hendaklah memiliki Lesen Establismen yang masih sah daripada MDA (jika berkaitan)

Kontrak atau perjanjian bertulis atau persetujuan bersama untuk mengilang atau menghasilkan produk di antara syarikat pengilang dan syarikat pelanggan atau pemilik jenama (brand owner) hendaklah didaftarkan

Syarikat/pemohon SPHM hendaklah memastikan pihak yang dilantik untuk menjalankan pengilangan produk secara kontrak memiliki SPHM terlebih dahulu

Syarikat/pemohon hendaklah mengemukakan permohonan yang berasingan bagi setiap perkhidmatan pengilangan kontrak Contohnya pengilangan kontrak produk makanan dan produk farmaseutikal hendaklah dibuat permohonan secara berasingan

Keperluan *Malaysian Standard* yang berkaitan serta lain-lain perundangan dan peraturan terkini yang dikuatkuasakan oleh pihak berkuasa berkaitan hendaklah dipatuhi

Keperluan pekerja Muslim hendaklah dipatuhi dan MHMS hendaklah dilaksanakan secara berkesan dengan memenuhi elemen berikut;



## INDUSTRI MIKRO

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- IHCS hendaklah dibangun dan dilaksanakan berdasarkan Manual MHMS 2020



## INDUSTRI KECIL

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Penyelia Halal berjawatan tetap hendaklah dilantik di premis
- IHCS hendaklah dibangun dan dilaksanakan berdasarkan Manual MHMS 2020



## INDUSTRI SEDERHANA & BESAR

- Minimum 2 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Eksekutif Halal berjawatan tetap hendaklah dilantik di setiap cawangan premis
- JKHD hendaklah ditubuhkan bagi premis dan setiap cawangan premis yang mempunyai pengurusan operasi berbeza
- HAS hendaklah dibangun dan dilaksanakan berdasarkan Manual MHMS 2020

**PENDAFTARAN BAHARU**

- Syarikat/pemohon hendaklah memenuhi syarat dan kriteria permohonan dahulu sebelum permohonan dilakukan
- Kelayakan pendaftaran akaun pengguna sistem MYeHALAL adalah berdasarkan nombor pendaftaran SSM/SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan (yang mana berkaitan)

- Tab **Hantar Borang Permohonan** memaparkan dokumen yang perlu dihantar untuk semakan. Pengakuan Pengesahan Maklumat hendaklah diisi dengan tepat, terperinci dan terkini. Klik “**Cetak Senarai Semak**” untuk mencetak maklumat senarai untuk dikepilkan bersama dokumen sokongan dan “surat caj bayaran proses Fi Pemprosesan Dokumen Pensijilan Halal” untuk peringkat pembayaran pemprosesan dokumen.
- Borang Permohonan hendaklah dihantar bersama-sama dokumen sokongan yang lengkap, diserahkan kepada MUIS dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- MUIS berkuasa menolak permohonan dan dokumen sokongan yang tidak lengkap serta tidak mengikuti skim dan kategori Pensijilan Halal Malaysia yang betul
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat/pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- MUIS akan berurusan secara terus dengan syarikat/pemohon tanpa melalui pihak ketiga atau orang tengah seperti konsultan
- Semakan permohonan akan dijalankan setelah semua dokumen sokongan diterima oleh MUIS dan tempoh semakan bergantung kepada jumlah produk yang dimohon
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pembayaran fi yang lewat diterima oleh MUIS akan menyebabkan permohonan tersebut ditolak dan syarikat/pemohon hendaklah mengemukakan semula permohonan baharu
- Sebarang penambahan produk serta perubahan pendaftaran syarikat tidak dibenarkan setelah surat bayaran fi dikeluarkan oleh MUIS
- Syarikat/pemohon hendaklah mendaftar akaun pengguna MYeHALAL dan mengemukakan permohonan baharu sekiranya berlaku perubahan pada pendaftaran syarikat
- Pengauditan lapangan akan dijalankan setelah bayaran fi diterima oleh MUIS

## PEMBAHARUAN

- Permohonan SPHM hendaklah dilakukan secara dalam talian (*online*) melalui sistem MYeHALAL di [www.halal.gov.my/v4](http://www.halal.gov.my/v4)
- Permohonan pembaharuan SPHM hendaklah dikemukakan seawal 6 bulan dan selewat-lewatnya 3 bulan sebelum tamat tempoh SPHM
- Perohonan pembaharuan SPHM yang telah tamat tempoh hendaklah dikategorikan sebagai permohonan baharu
- Syarikat/pemohon hendaklah merujuk keperluan pengisian borang permohonan MYeHALAL dan keperluan yang berikut;
  - a) Sebarang pengemaskinian maklumat berkaitan nama produk dan jenama hendaklah mengemukakan makluman rasmi kepada MUIS
- Permohonan yang tidak lengkap serta tidak mengikut skim dan kategori Pensijilan Halal Malaysia yang betul akan ditolak oleh MUIS
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat /pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS

## PENAMBAHAN

- Penambahan produk dalam permohonan tidak terbuka untuk skim perkhidmatan logistik

## PENGGABUNGAN

- Mana-mana permohonan penggabungan SPHM hendaklah diklasifikasikan sebagai permohonan baharu
- Permohonan penggabungan SPHM yang masih sah atau baharu (jika berkaitan) tidak dibenarkan bagi skim pengilangan kontrak
- Permohonan penggabungan SPHM hendaklah dikemukakan dalam tempoh 6 bulan sebelum tamat tarikh pensijilan
- Penggabungan SPHM hendaklah melibatkan kesemua produk pada SPHM yang masih sah
- Permohonan penggabungan SPHM hendaklah disertakan bersama surat iringan yang jelas menyatakan butiran permohonan terdahulu
- Prosedur permohonan penggabungan SPHM hendaklah mengikuti prosedur Pendaftaran Baharu
- SPHM yang masih sah hendaklah terbatal sekiranya permohonan penggabungan berkenaan diluluskan oleh MUIS
- SPHM yang telah dibatalkan hendaklah diserahkan kepada MUIS